


Warmakunapaq Chuya Qellqa



Hanaq
pachaqa Diospa
yachakunan
ancha sumaq
wasim



Kaytam qellqaykamurqa: Edward Hughes

Dibujonkunatam ruwaykamurqa: Lazarus

Siminchikmanmi tikraykamurqa: Hugo Garay Auccpuella

Warmakunapaq hinam tupaykachimurqa: Sarah S.

Soqtachunkamanta soqtachunka kaq willakuy


www.M1914.org

Bible for Children, PO Box 3, Winnipeg, MB R3C 2G1 Canada

Autorizasqam kankichik kay yachachikuykunata mirachispa hukkunaman
chayachinaykichikpaq, ichaqa manam imaraykupas rantikuwaqchikchu.

Quechua


Jesumi kay pachapiraq kachkaspan,
discipulonkunaman imaynam hanaq
pacha kasqanmanta willaspan
nirqa: "Taytaya yachanan
wasi", nispan. Chaypiqa
achkallañas yachanapaq
sumaq wasikuna
kachkan. Kay pachapi
imapas kuyayllapaq
kaqkunamantaqa,



hanaq pachaqa aswan anchapas sumaqmi.


1

Jesumi nirqa: "kutispaymi qamkunapaq wasita
allichamusaq, allicharamuspaymi kutimuspay ñoqapa
kasqayman pusasqaykichik" nispan. Jesusqa
wañusqanmanta kawsariramuspanmi hanaq
pachaman kutikurqa.




2

Discipulonkuna qawachkaptinkum hanaq pachaman apasqa karqa, hinachkaptinmi puyu pampaykurqa, chaymi manaña rikurqakuchu.



3


Chay punchawmanta qepamanmi, llapallan iñiqninkuna pusawananchikpaq Jesuspa kutimunanta suyachkanchik. Jesusmi nirqa "mana musyasqaykichik punchawtam qonqayta kutimusaq" nispan. Chaynaqa çimataq pasakunqa manaraq Jesús kutimuchkaptin wañukuqkunawan? Chuya Qellqam nin, paykunaga Jesuspa qayllanmanña pasakusqankuta.



Aycha kuerpota saqeyqa Jesuspa kasqanmanña ripukuymi.


4

Chuya Qellqapa tukupayninpi tarikuq Apocalipsis librom willakun hanaq pachaqa anchapas kuyayllapaq kasqanta. May kaspapas chay sumaq wasim Diosqa yachakunan wasi. Diosqa enteronpim tarikun, chaywanpas tiyanan tronom hanaq pachapi tarikun.




5

Hanaq pachapiqa angelkunawan tukuy unanchasqa kaqkunam Diosta hatunchachkanku. Diospa churinkunamanta wañukuspanku hanaq pachamanña ripukuq runakunapas Diostañam chaypi yupaychachkanku. Diostaqa tukuy rikchaq sumaq takikunawanmi yupaychachkanku.



6

Apocalipsismi pichqa kaq rakinpa isqon kaq patachayninpi, chaypi takisqanku takimanta hukta willawaspanchik nin:



7


IMAYNA HATUNMI KANKI, ... MAY LLAQTAYUQÑA, IMA RIMAYNIYUQÑA KAPTIYKUPAS YAWARNIKIWANMI DIOSPAQ RANTIRUWANKIKU, CHAYNATAM DIOSPA REYNINKUNAÑA CHAYNATAQ SACERDOTENKUNAÑA KANAYKUPAQ

CHURAYKUWANKIKU!
nispan.




8

Chuya Qellqapa tukupaynin willakuykunam hanaq pachata sutichan "Musoq Jerusalén" nispan. Chayqa hatu-hatun llaqtam, perqankunapas ancha hatunmi.



9


Perqankunapas anchapas achkirichkaq jaspe rumikunawan perqasqam kachkan, perqanpa cimientonkunapas ancha kuyayllapaq alhaja rumikunawan hatarichisqam kachkan, chaykunam kuyayllapaqta llipipichkan. Punkunkunapas



chulla perlasllamanta ruwasqakamam, nispan.

10

Chay perlasmanta ruwasqa hatun punkukunaqa manam haykapipas wichqakunchu. Chaynaqa yaykuykuspayá qawaykusun: Hanaq pachaqa yaykuykuptinchikqa anchapas admirakuypaq hinaspa kuyayllapaqmi.




11

Tukuy imapas chaypiqa qorimanta ruwasqam tarikun, espejo hinañam kancharichkan. Purinapaq ñanninkunapas qorimanta ruwasqakamam.




12

Diospa trononmantam kancharichkaq mayu lloqsichkan, chay mayupa iskay lawnin patankunapim kawsay qokuq sacha tarikun, chay sachapa Edén huertapim puntata tarikurqa.




13

Chay sachapa manam wakin sachakuna hinachu: Chay sachapa watapin chunka iskayniyuq clase rurukunata rurun, sapa killa huk clase rurutakama. Chay sachapa llaqenkunam nacionkuna llaqa onqoyninmanta hampisqa kananpaq hampi.




14

Hanaq pachaga kancharisqa kananpaqqa manañam intitapas nitaq killatapas nesitanñachu, aswanqa Diosllañam tukuy atiyninwan suma sumaqta kancharin, chaypiqa tutapas manañam kanchu.



15


Hanaq pachapiqa purun animalkunapas manam manchachikunñachu, aswanqa kuyayllapaq mansochakunañam. Atoqkunapas uña chitachakunawan kuskam pastotaña mikunku. Leonkunapas vacakunawan kuskam pastotaña mikukunku. Señormi nin: "Yachanaypiqa manañam pipas waqtanpi kaqtaqa mikunqañachu nitaq dañotapas ruwanqañachu" nispan.



16

Sumaqta qawariptinchikqa, hanaq pachapiqa manam lliwchu imapas tarikunqa. Arí, chaypiqa manañam piñakuspa mana allin rimaykunaqa

uyarikunqachu, manataqmi pipas kikillanpaq munaspaga piwanpas peleanqañachu.



17

Punkukunapaqpas manam pipas llavetaqa apanqachu, chaypiqa manañam suwapas kanchu. Chaymanqa llullakunapas, wañuchiqaqunapas,

layqakunapas, ni ima mana allin ruwaqpas manam yaykunqachu. Chaypiqa manañam pipas huchataqa ruwanqañachu.



18

Hanaq pachapiqa manañam waqay-llakiypas kanqañachu. Kay pachapiqa Diospa churinkunapas waqanchikmi, hanaq pachapiqa Diosñam weqenchikta pichaykunqa.



19

Wañuyapas manañam chaypiqa kanqañachu. Churinkunaqa wiñaypaqmi Señorwan kawsakusun. Llakikuypas, nanaypas, ima sasachakuypas chaypiqa tukurunñam, onqoywan wañuyapas manañam chaypiqa kanñachu.



20

Chaypi kaqkunaqa Iliwmi Dioswan kuisqa kawsakuchkanku. Hanaq pachaqa qarimanta warmimanta kaspapas llapallan runakunapaqmi. Warmakunapas hatun runakunapas yaykuytaqa atinmankum.

Chaypaqmi paykuna Jesusta salvaqninkupaq chaskispa paypi iñikunanku.



21

Hanaq pachapim tarikun Diospa Churinpa libron. Sutinmi kawsay qellqa. Chay librom runakunapa sutinwan huntarisqa tarikun. ¿Yaqachu yachanki ima sutikunam chaypi qellqasqa kasqanta? Chaypiqa qellqasqa kachkan Cristopi iñikuqkunapa sutinkum. ¿Yaqachu sutiki chay libropi tarikuchkan icha manachu?



22

Chuya Qellqam hanaq pachamanta willakuyninpa tukupayninpi, llapallan runata qayaspan nin: Chuya Espirituwan Cristopa esposanmi nin: ¡HAMUYCHIK! nispa.



23

Liw uyariqkunapas kaynatayá nichunku: ¡HAMUYCHIK! nispa. Pipas yakunayasqa kaspapaq hamuspayá kawsachikuq yakutayá mana imallapaq tomachun, nispa.



24

Hanaq pachaqa Diospa yachakunan ancha sumaq wasim

Kay willakuyqa Diospa siminpa utaq Chuya Qellqapa partenmi

Kay willakuymi tarikun

Juan 14, 2 Corintios 5, Apocalipsis 4, 21, 22

"Simikimanta yachachikuykunaqa achkirinmi." Salmo pachak chunka isqonniyuq rakinpa pachak kimsachunkan patachaynin



Diosqa yachanmi mana allinkuna ruwaq kasqanchikta, chaykunatam "hucha" nispa sutichan. Huchallikuq runaqa wañuywan castigasqam kanqa.

Diosqa ancha-anchatam kuyawanchik, chayraykum churin Jesusta kachamurqa, chaynapi huchanchikmanta castigasqa kanachikta cruzpi wañuspan pagananpaq. Jesusqa wañusqanmanta kawsariramuspanmi hanaq pachaman kutikurqa. Payraykum huchanchikkunata Dios pampachawanchik.

Sichum huchaykikuna qepanchayta munaspaqa Diosta kaynata mañakuy: Dios Taytallay, Jesusmi ñoqarayku wañurqa, wañusqanmanta kawsariramuspanmi kunanqa wiñaypaq kawsakuchkan. Mañakuykim kawsayniyman yaykuykamuspa huchaykunata pampachaykunaykipaq, chaynapi musoq kawsayniyuqña kaspay qanwan wiñaypaq kawsakunaypaq. Churiki hina kawsanaypaq yanapykuway. Amén. Juan 3:16

Kunanqa Diospa churinñam kanki, chaynaqa Chuya Qellqatayá qatipay hinaspa paywan sapa punchaw parlay.